



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

Komunikadu Imprensa

Sorumutuk Konsellu Ministru Loron-13 fulan Marsu tinan 2019

Konsellu Ministru hala'o Sorumutuk iha Palásiu Governu, iha Díli, no analiza apresentasaun Relatóriu hosi Komisaun Reforma Fiskal (CRF), ne'ebé mak apresenta hosi Fernanda Borges, hanesan Coordenadora Komisaun. CRF ne'ebé mak kria iha VI Governu Konstitusionál ho objetivu atu garante futuru nasaun Timor-Leste nian liu-hosi diversifikasaun fonte sira no asegura sustentabilidade hosi finansa públika. Durante apresentasaun, Fernanda Borges esplika mós antesendente hosi CRF, halo balansu atividade ne'ebé realiza tiha ona desde fulan agostu tinan 2015 no apresenta nia prioridade no rekomendasaun ba futuru hosi Komisaun ne'e rasik. Coordenadora entrega relatoriu ne'e ba Governu iha nia final mandatu, no agora Ministériu finansas analiza sujestaun no rekomendasaun sira.

Ministru Estadu Koordinadór Asuntus Ekonómiku, Agio Pereira apresenta ba Konsellu Ministru proposta kona ba Akordu Espesiál Investimentu entre Estadu Repúblika Demokrátika Timor-Leste ho Pelican Paradise Group, Lda. Projetu ida-ne'e ho investimentu privadu ida previstu USD 700 millaun ba dezvoltimentu kompleksu turístiku, iha área ida maizoumenus 558 hectar, iha zona Tasi Tolu no Tibar, ne'ebé mós inklui unidade otelaria, kampu golf, área rezidénsia, sentru dezvoltimentu ba joven sira, eskola internasionál, ospítal internasionál no sentru komersiail. Kompleksu turístiku ida-ne'e mak fó dalan hodi kria 1500 postu servisu iha faze hosi kontrusaun, 1300 postu servisu permanente durante konstrusaun no re-florestasaun 80% iha projetu nian. Membru Governu sira sei kontinua analiza Proposta Akordu Espesiál Investimentu ida-ne'e.

Ministru Interinu ein ejersísio, Filomeno da Paixão de Jesus, apresenta proposta Rezolusaun Governu, ne'ebé mak aprova hosi Konsellu Ministru, kona ba nomeasaun Faustino da Costa



Palácio do Governo,
Avenida Presidente Nicolau Lobato,
Dili, Timor-Leste



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

nuudar Komandante-Jerál no Mateus Fernandes nuudar Komandante-Jerál daruak ba Polísia Nasionál Timor-Leste (PNTL), iha Komisaun servisu iha periodu tinan ha'at nia laran

Ministru Administrasaun Estatal simu plenus poderes hosi Konsellu Ministru ba preparasaun selebrasaun ofisiál 17º aniversáriu Restaurasaun Independénsia Repúblika Demokrátika Timor-Leste (RDTL), ne'ebé mak sei komera iha fulan loron-20 fulan maiu, nomós kona-ba instalasaun Komissaun Organizadora no nomeasaun ba Prezidente Komisaun Organizadora.

Ministru Agrikultura no Peskas, Joaquim José Gusmão dos Reis Martins, apresenta proposta ne'ebé aprova hosi Konsellu Ministru kona-ba deliberasaun Konsellu Ministru, ba autorizasaun partisipasaun delegasaun tékniku timorense ida iha reuniaun servisu nian, ne'ebé mak organiza hosi Banku Aziátiku Dezenvolvimentu, ba negosiasaun Memorandu Entendimentu ida entre Repúblika Indonésia no RDTL ba implementasaun projetu pilotu ida ne'ebé hakarak fasilita transporte merkadoria espansaun komérsiu pekuariu no promosaun hamutuk iha nasaun rua hanesan destinu turístiku.

Ikus Liu membru Konsellu Ministru sira, lori Governu Timor-Leste no Povu nia naran hato'o sentidu kondolénsia ba família Gordon McIntosh, eis Senadór australiano ne'ebé defende independénsia timor nian. McIntosh ou "Ulun Toos" naran ne'ebe hasai iha dekada 80 hosi FALINTIL, ne'ebé mak admira ho Gordon nia 'Ulun toos' no 'disernimentu' no la aseita opiniaun sira hosi nia kolega sira iha Parlamentu australianu durante vizita iha nasaun iha tinan 1983, no hetan kondekoradu ho Ordem Timor-Leste iha tinan 2014 tan nia esforsu durante independénsia Timor-Leste nian. **REMATA**



Palácio do Governo,
Avenida Presidente Nicolau Lobato,
Dili, Timor-Leste